



E-BILTEN

SAVEZA OPĆINA I GRADOVA FEDERACIJE BOSNE I HERCEGOVINE

Petak, 07.01.2011. godine

Br. 103

Aktuelnosti:

1. Savez uputio inicijativu FMF za izuzimanjem JLS iz Zakona o fiskalnim sistemima u FBIH
2. Sastanak oficira za vezu Nalas-a
3. Objavljen javni oglas za izražavanje interesa općina u BiH za učestvovanje u projektu LOD II
4. Otvara se nova zgrada Općine Fojnica
5. Poziv za podnošnje prijedloga projekata
6. Kontni plan FBIH prilagođen JLS
7. Potpisan sporazum o saradnji između Velike Kladuše i GTZ-a

Poštovani članovi i čitaoci,

Kao i do sada, obavještavamo Vas o unutrašnjoj i vanjskoj komunikaciji i razmjeni najboljih iskustava i praksi kao i o različitim obukama koje mogu doprinijeti kadrovskom jačanju općinskih službenika.

Putem ovog biltena se možete informirati i o drugim dešavanjima u proteklom periodu kao što su konferencije, seminari, okrugli stolovi a koji mogu doprinijeti unapređenju sistema lokalne uprave.

Ukoliko želite da se prijavite za primanje ovog biltena možete to učiniti tako što ćete poslati e-mail na sljedeću adresu: dino@sogfbih.ba

GLEDAJTE svake druge subote u 13:30 sati na Hayat TV – “Moje dvorište” dokumentarno informativnu emisiju o lokalnoj samoupravi.

Repriza je ponedjeljkom u 21:00 sati.



NAJAVA

MEĐUNARODNI SAJAM OPĆINA

Sarajevo, 10-11. mart/ožujak 2011

NALAS-a (Mreža asocijacija lokalnih vlasti jugoistočne Evrope, www.nalas.eu) u suorganizaciji Saveza općina i gradova Federacije BiH organizira Sajam općina i gradova jugoistočne Evrope.

Sajam će se održati u Sarajevu dvorana Zetra u periodu 10. – 11. mart/ožujak 2011. godine.

Na sajmu se očekuje učešće velikog broja delegacija jedinica lokalne samouprave iz 14 država članica NALAS-a ali i drugih gradova Evrope. Uz to veliki broj lokalnih i međunarodnih organizacija, potencijalnih investitora i poslovnih kompanija će biti predstavljeni na ovom sajmu. Ovaj događaj podržalo je i Predsjedništvo Skupštine Saveza općina i gradova Federacije BiH.

Elektronsku verziju brošure o Sajmu možete pogledati na www.nexpo.nalas.eu, a registraciju za učešće već sada možete popuniti na istoj web stranici.

Molimo Vas da izvijestite potencijalne izlagače sa područja vaše općine/grada o ovom događaju te planirate sredstva u budžetima za predstavljanje vaše općine/grada na ovom sajmu.



prosljedite svim zainteresiranim u vašoj i susjednim općinama.

Ukoliko želite da objavite neke od vaših novosti, iskoristite elektronski bilten Saveza, koji je brz, efikasan i jeftin način komuniciranja sa javnošću.

Sa zadovoljstvom očekujemo vaše komentare, sugestije i primjedbe.

[Kontaktirajte nas](#)

[Telefoni:](#)

[033/ 216 502](tel:033/216502), [033/ 552 812](tel:033/552812)

[Fax: 033/552 810](tel:033/552810), [033/ 552 811](tel:033/552811)

<http://www.sogfbih.ba>

<http://www.partnerstvogradova.ba/>

<http://www.nexpo.nalas.eu>

e-mail: dino@sogfbih.ba

NAŠ CILJ je informirati vas o seminarima, treninzima, konferencijama i drugim aktivnostima, koji unapređuju lokalnu upravu i kadrovsko jačanje zaposlenih u vašim općinama.

SAVEZ OPĆINA I GRADOVA FEDERACIJE BIH UPUTIO INICIJATIVU FEDERALNOM MINISTARSTVU FINANSIJA ZA IZUZIMANJE OPĆINA I GRADOVA IZ ZAKONA O FISKALIZACIJI

SARAJEVO, 06. januar/srpanj – Savez općina i gradova Federacije Bosne i Hercegovine uputio je Federalnom ministarstvu finansija zahtjev za pokretanjem inicijative za izuzimanje općina i gradova iz Zakona o fiskalnim sistemima u Federaciji BiH.

Zahtjev je upućen 6. januara/srpnja, a shodno odluci Predsjedništva Skupštine Saveza.

Naime, na **Dvanaestoj sjednici Predsjedništva Skupštine Saveza općina i gradova Federacije Bosne i Hercegovine**, koja je održana 14.12.2010. godine u **Zavidovićima** usvojena je inicijativa od strane tri općine (Starog Grada Sarajevo, Ilidže i Centra Sarajevo) **za izuzimanje državnih organa i jedinica lokalne samouprave od obaveze uvođenja fiskalnih sistema u poslovanju**.

Savez smatra da općine kao organi uprave, u onom dijelu u kojem obavljaju oporezivu djelatnost primjenjuju sve odredbe zakona o porezu na dodatnu vrijednost i o tome vode uredne evidencije. Stoga bi, uvođenje fiskalnih kasa tj. fiskalizacija u općinama uticala samo na povećanje obima poslova odnosno administracije lokalnih zajednica, a time i troškova, a ni u kojem slučaju ne bi doprinijela ciljevima uvođenja fiskalnih sistema u FBiH, kao što su povećanje priliva prihoda u budžetu, spriječavanje prometa krijumčarene robe, spriječavanje utaje PDV-a i sl.

Jedinice lokalne samouprave nisu registrovane kao klasični obveznici koji se bave prometom roba i usluga odnosno, općine i gradovi nisu preduzeća koja su osnovana s ciljem obavljanja oporezivog prometa, već je njihova osnovna djelatnost predstavnička i izvršna, te sa aspekta ciljeva uvođenja fiskalnih sistema, njihovo neizuzimanje iz Zakona proizvesti će upitne rezultate.

Stoga, Predsjedništvo Skupštine Saveza je usvojilo inicijativu za izuzimanje jedinica lokalne samouprave iz Zakona o fiskalizaciji u Federaciji BiH, odnosno da se dodatnim članom Zakona o fiskalizaciji institucionalno izdvoje iz sistema fiskalizacije.

SASTANAK OFICIRA ZA VEZU NALAS-a

U Sarajevu, dana 15. januara održat će se sastanak oficira za vezu Nalas-a.



Tema sastanka će biti organizacija Sajma općina i gradova Jugoistočne Evrope, Nexpo 2011.

Navedeni Sajam će se održati u martu 2011. godine u Sarajevu, gdje će se predstavnici lokalnih samouprava iz cijele Jugoistočne Evrope prezentirati i razmijeniti svoje prakse, te uspostaviti međusobnu komunikaciju. Za učešće u Sajmu do sada se prijavilo više općina iz Bosne i Hercegovine, uže i šire regije, zatim učešće su potvrdile delegacije iz Moldavije, Kine i drugih zemalja.

Nexpo 2011. je jedinstvena prilika za predstavnike lokalnih vlasti da podijele svoje uspjehe, steknu nova saznanja i istraže nove tehnologije koje se nude na tržištu.

Također, na marginama ovog sastanka održat će se i susret gradonačelnika Grada Sarajeva Alije Behmena sa Predsjednikom Nalas-a, Vladimirom Moskowim,

KORISNI LINKOVI ZA PREDPRISTUPNE FONDOVE:

<http://www.southeast-europe.net/en/>

<http://www.adriaticpacbc.org/>

<http://www.interregadriatico.it/index1.html>

<http://www.europa.ba/>

<http://www.cbib-eu.org/en/welcome/index.html>

<http://www.cbc.bih-mne.org/>

<http://www.srb-bih.org/>

<http://www.cbc-cro-bih.net/>

<http://www.programmemed.eu/>

<http://www.tacso.org/>

<http://www.euroinfocentar.ba/>

<http://www.balkanfund.org/>

potpredsjednikom, Ozgenom Keskinom i direktoricom Saveza općina i gradova Federacije BiH, Vesnom Travljanin.

JAVNI OGLAS ZA IZRAŽAVANJE INTERESA OPĆINA U BOSNI I HERCEGOVINI ZA UČESTVOVANJE U PROJEKTU JAČANJE LOKALNE DEMOKRACIJE II - LOD II



Evropska unija



Ministarstvo pravde
BiH



Bosna i
Hercegovina

Projekat Jačanje lokalne demokratije II - LOD II finansira Evropska unija, a implementira ga Razvojni program Ujedinjenih nacija (UNDP) u Bosni i Hercegovini u trajanju od 18 mjeseci (oktobar 2010 – mart 2012.).

LOD II projekat je nastavak aktivnosti Razvojnog programa Ujedinjenih nacija sprovedenih kroz LOD I projekat tokom 2009-2010. godine, u 14 partnerskih općina. Cilj projekta je da doprinese demokratskoj stabilizaciji, pomirenju i daljnjem razvoju BiH, kroz podršku odabranim općinama u uspostavljanju boljih odnosa između lokalnih vlasti i civilnog društva, te stvaranju finansijskih mehanizama za unaprijeđeno pružanje usluga.

Projekat „Jačanje lokalne demokratije II“ poziva općine u Bosni i Hercegovini da izraze interes za učestvovanje u sprovođenju projekta i pružanju podrške organizacijama civilnog društva (OCD). Svrha ovog poziva za izražavanje interesa je odabir najmanje 10 partnerskih općina iz BiH kojima će biti obezbjeđena tehnička pomoć i izgradnja kapaciteta sa ciljem jačanja međusobnih odnosa i održivog dijaloga sa OCD.

Općinama će biti pružena podrška u daljem razvoju i usavršavanju transparentnih mehanizama za raspodjelu sredstava namijenjenih za projektno finansiranje OCD. UNDP LOD II projekat će finansijski podržati najmanje jedan projekat OCD u svakoj odabranoj općini. Partnerske općine će sufinansirati projekte OCD sa minimalno 10% ukupnih sredstava koja budu plasirana na njihovom teritoriju putem projektnog pristupa za odabir projekata OCD i korištenjem transparentnih kriterija. Učestvovanjem u LOD II projektu, kapaciteti općina i OCD-a će rasti kroz poboljšanje zajedničke saradnje i efikasnosti, te pružanje odgovora na stvarne potrebe u lokalnoj zajednici.

„Otvoreni dani“, tokom kojih će zainteresovani moći primiti dodatne informacije i dobiti pojašnjenja vezana za uslove javnog poziva, bit će organizovani na slijedećim lokacijama:

Mostar, hotel Bristol; Ulica Mostarskog bataljona bb. 12. januar 2011., u periodu između 10:00 – 14:00 sati

Sarajevo, zgrada UNDP-a; Ulica Maršala Tita 48. 18. januar 2011., u periodu između 10:00 – 14:00 sati

Tuzla, hotel Tuzla; Ulica ZAVNOBiH-a 13. 20. januar 2011., u periodu između 10:00 – 14:00 sati

Banja Luka, hotel Bosna; Ulica Kralja Petra I Karađorđevića 97. 26. januar 2011., u periodu između 10:00 – 14:00 sati.

Podnošenje aplikacija i rokovi

LOD II projekat poziva općine iz Bosne i Hercegovine da učestvuju u otvorenom i konkurentskom pozivu za izražavanje interesa pod uslovom da ispunjavaju opće uslove za odabir koji su opisani u detaljnom Vodiču za izražavanje interesa. Kompletan materijal, uključujući Prijavni obrazac, je dostupan na: <http://www.undp.ba>

Sve prijave, u skladu sa detaljnim pozivom za izražavanje interesa, trebaju biti dostavljene najkasnije do 7. februar 2011. godine do 17:00 sati, na adresu:

UNDP BiH
Projekat „Jačanje lokalne demokratije II“ (LOD II)
Maršala Tita 48
71000 Sarajevo, Bosna i Hercegovina

Molimo vas da priložite dva (2) originalna seta dokumentacije u štampanom obliku i jednu elektronsku kopiju (CD ili USB). Drugi oblici podnošenja prijave neće biti prihvaćeni.

Za dodatne informacije i pojašnjenja molimo vas da vaše zahtjeve uputite pismenim putem na fax: 033 552 330 ili elektronskom poštom: registry@undp.ba. Odgovori na vaša pitanja će vam biti dostavljeni u pisanoj formi u roku od tri dana po prijemu istih.

OTVARA SE NOVA ZGRADA OPĆINE FOJNICA

Općina Fojnica je po prvi put u svojoj historiji dobila vlastitu zgradu Općine. Prije tri godine je započela rekonstrukcija i obnova nekadašnjeg motela "Jezero" u Fojnici, koji je uknjižen na Općinu, a koja je završena u decembru /prosincu prošle godine.

Svečano otvaranje nove zgrade i Centra za pružanje usluga građanima općine Fojnica održat će se 12. januara/siječnja 2011. godine sa početkom u 12:00 sati.



Uspostavljanjem moderno opremljenog i multifunkcionalnog Centra za pružanje usluga građanima, čiju realizaciju su pomogle Američka agencija za međunarodni razvoj (USAID), Švedska agencija za međunarodni razvoj i saradnju (SIDA) i Ambasada Kraljevine Holandije (EKN) kroz Projekat upravne odgovornosti (GAP),

Općina Fojnica će funkcionirati znatno bolje i obezbjeđivati kvalitetnije i efikasnije usluge građanima i investitorima i time ujedno otpočeti novu eru djelovanja organa lokalne samouprave u povećanju transparentnosti rada kao jednog od osnovnih demokratskih načela svih evropskih država.

Ukupna vrijednost ovog projekta je 1.850.000 KM.

Nova zgrada Općine je projektovana za razvoj Fojnice za narednih 30 godina kada se pretpostavlja da će potrebe općine Fojnica biti za 87 zaposlenih, a čiji broj danas

iznosi oko 50.

Sa ovim objektom Općina po prvi put dobija i svoju salu za sjednice Općinskog vijeća Fojnica i sastanke i moderno uspostavljen sistem pružanja usluga građanima kakve zaslužuju potrebe ovog grada. Ukupna vrijednost ovog projekta, od početka do danas iznosi oko 1 850 000 KM.

POZIV ZA PODNOŠENJE PRIJEDLOGA PROJEKATA



Delegacija Evropske unije u Bosni i Hercegovini objavila je poziv za dostavljanje prijedloga projekata iz oblasti jačanja uloge građanskog društva u promociji ljudskih prava i demokratskih reformi, sprečavanja sukoba i jačanja političkog učestvovanja i zastupanja.

Finansijska pomoć će biti pružena iz sredstava programa Evropske Unije "Evropski

Instrument za Demokratiju i Ljudska Prava (EIDHR)".

Kompletna dokumentacija za prijavu projekata može se dobiti na sljedećoj adresi:

Delegacija Evropske unije u Bosni i Hercegovini, Sektor za ugovore i finansije, Sekcija nabavki Skenderija 3a, 71000 Sarajevo ili na web stranici:

<https://webgate.ec.europa.eu/europeaid/online-services/index.cfm?do=publi.welcome> i www.europa.ba

Rok za podnošenje prijedloga projekata je **21. februar/veljača 2011. do 16:00 sati**.

KONTNI PLAN FBiH PRILAGOĐEN JEDINICAMA LOKALNE SAMOUPRAVE

Savez općina i gradova Federacije BiH je uz pomoć Projekta upravne odgovornosti (GAP) izradio pregled kontnog plana Federacije Bosne i Hercegovine (FBiH) u odnosu na lokalne vlasti.

Kontni planovi definiraju kako učesnici u javnom sektoru kategoriziraju svoje prihode i rashode i kako vode svoj bilans stanja. Sa pratećim pravilnicima, i zajedno sa Zakonom o budžetskom sistemu i Pravilnicima o računovodstvu u javnom sektoru oni sačinjavaju regulatornu jezgru onoga kako vlasti (i građani) prate odakle dolazi i kako se troši novac u javnom sektoru.

Glavni fokus pomenutog pregleda bio je da prikaže kako postojeći Kontni plan obuhvata ili ne obuhvata najvažnije aspekte općinskih finansija, te da da preporuke o tome kako poboljšati kontni plan.

Istaknuti su glavni problemi Kontnog plana FBiH u odnosu na općinske finansije i, tamo gdje je to bilo moguće, date su posebne preporuke o tome koja konta treba dodati, koja oduzeti ili pojasniti.

Pregled Kontnog plana FBiH sa prijedlozima za njegove izmjene i dopune upućen prema Federalnom ministarstvu finansija/finansija bazirao se na analizi Kontnog plana FBiH, pregledu odabranih kantonalnih i općinskih budžeta, uključujući i usporedbu izvještaja o izvršenju budžeta sa izvještajima povučenih iz nekoliko općinskih kompjuteriziranih računovodstvenih sistema, intervjuima sa dužnosnicima na svim nivoima vlasti, te komentarima prikupljenih od strane članica Saveza općina i gradova FBiH na postojeći Kontni plan.

Pregled Kontnog plana je služio kao osnova za razgovore između predstavnika

entitetskih vlasti, Saveza općina i gradova FBiH i relevantnih donatora. Ovi razgovori su urodili plodom, te su postignuti dogovori o značajnom prilagođavanju Kontnog plana FBiH potrebama jedinica lokalne samouprave u FBiH. Izmijenjen Kontni plan FBiH će se početi primjenjivati od 2011. godine.

POTPISAN SPORAZUM O SARADNJI IZMEĐU VELIKE KLADUŠE I GTZ-a

VELIKA KLADUŠA, 06. januar/siječanj

– Općinski načelnik Admil Mulalić danas je potpisao Sporazum o saradnji između Njemačkog društva za tehničku saradnju (GTZ) u BiH i Općine Velika Kladuša. Sporazum je za GTZ potpisala gospođa Rubeena Esmail-Arndt.

Omladinski zdravstveni projekt, koji u BiH provodi GTZ ima za cilj podizanje svijesti mladih ljudi o zdravlju, kao i izbjegavanje rizičnog seksualnog ponašanja putem informativnih, edukativnih i participativnih metodologija sa učešćem omladinskih organizacija, domova zdravlja i općine. Tokom trajanja projekta 2009.-2011. za aktivno učešće u projektu izabrano je dvadeset općina u BiH među kojima je i Velika Kladuša. Na sastanku gospođa Rubeena Esmail-Arndt prezentirala je prisutnima projekt „Podizanje svijesti o zdravlju mladih na lokalnom nivou“.

Općinski načelnik Admil Mulalić podržavajući ovakve projekte, izrazio je svoje zadovoljstvo zbog toga što će se isti realizirati u Velikoj Kladuši i što u istom učestvuje Dom zdravlja Velika Kladuša. Projekt je samo nadomjestak na ostale projekte, koji se realiziraju u općini, kao što je projekt „Inkluzivnih škola i inkluzivnih zajednica“, stipendiranje studenata, plaćanje troškova prevoza učenika osnovnih i srednjih škola, plaćanje troškova liječenja ovisnicima opojnih droga i sl.

